



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MCXVIII. ad annum MCLXXIX.

**Parisiis, 1644**

Rescriptvm Imperatoris Friderici Ad Hadrianvm Papam. Pro confirmatione  
electi Rauennensis.

**urn:nbn:de:hbz:466:1-15588**

imperialis coronæ) a sensu suo nisi sunt ad alium retorquere, non ex merito causæ, sed de voluntate propria & illorum suggestione, qui pacem regni & ecclesiæ nullatenus diligunt, hoc egerunt. Per hoc enim vocabulum, contulimus, nihil aliud intelleximus, nisi quod superius dictum est, imposuimus. Sane quod postmodum personas ecclesiasticas a debita sacrosanctæ Romanæ ecclesiæ visitatione, ut dicitur, reuocare iussisti, si ita est, quam inconuenienter actum sit, tua, fili in Christo carissime, discretio, ut credimus, recognoscit. Nam si aliquid apud nos amaritudinis habebas, per nuntios & literas tuas nobis fuerat intimandum; & nos honori tuo curauissemus sicut filii carissimi prouidere. Nunc igitur, quoniam ad commonitionem dilecti filii nostri Henrici Baioariæ & Saxoniarum ducis, duos de fratribus nostris, Henricum tituli sanctorum Nerei & Achillei, & Hyacinthum sanctæ Mariæ in Cosmedin, diaconos cardinales, prudenter siquidem & honestos viros, ad tuam præsentiam destinauimus, celsitudinem tuam monentes & hortantes in Domino, quatenus eos honeste & benigne recipias; & quod ab eis ex parte nostra tua magnificenziæ fuerit intimatum, a sinceritate cordis nostri nouerit tua excellētia processisse. Ac per hoc cum eisdem filiis nostris, mediante iam dicto filio nostro duce, ita celsitudo tua studeat conuenire, ut inter te ac matrem tuam sacrosanctam Romanam ecclesiam nullius discordiæ seminarium debeat remanere.

R E S C R I P T V M  
I M P E R A T O R I S F R I D E R I C I  
A D H A D R I A N V M P A P A M .

Pro confirmatione electi Rauennensis.

*Fridericus Dei gratia Romanorum imperator, & semper Augustus, Hadriano Romanæ ecclesiæ venerabili pontifici.*

**D**ILECTO & fideli nostro Anselmo bona memoriae Rauennensis ecclesiæ venerabili episcopo defuncto, ne curia nostra diutius tanto careret principe, operam dare curauimus loco eius talem subrogari personam, qua-

pro tempore ad resarcienda ecclesiæ illius damna, & ad nostrum peragendum seruitium apta videretur. Ante omnia autem præ oculis mentis habentes, & aure non surda audientes, quod scriptum est, *Honore inuicem præue-* Rom.12. *nientes;* filium comitis Blanderatensis, quem vos in clericum Romanæ ecclesiæ & filium nostra petitione aſſumpſiſſe recordati ſumus, viſiſſim ad honorem vestrū & ſanctæ Romanæ ecclesiæ altius ſublimari intendimus; in ea präfertim ecclesia, quam poſt ſanctam Romanam ecclesiā, aut maximam, aut vnam de maximis habemus: noſtræque voluntatis proposito, diuina fauente clementia, in elec̄tione illius personæ concorditer & voluntarie vniuersa Rauennas conuenit ecclesia, präſentibus viris honestiſſimis legato noſtro & vetro, hinc Hyacintho cardinali, inde Hermanno Ferdensi episcopo. Scientia autem & moribus in personam präfati elec̄ti vna cum genere conuenientibus, propter reuerendum vestræ paternitatis testimonium commendabilior & acceptior eadem persona nobis iam facta est, quam vtique etiam diligi a vobis & honorari gaudemus & volumus, ea tamen ratione & ordine, qua patres filios ſuos ſolent diligere, quos ſuo tempore & manumittunt, & domui ſuæ prouidere permittunt. Et quidem decentiſſimum eſt ſanctam Romanam ecclesiā, tamquam matrem omnium ecclesiārum, filios, qui ſunt fructus ventris, aggregare, & aggregatos ad decorum domus Dei & per domos & familias diſtribuere, quibus etiam noſtrum imperium, tanquam ab utero & gremio matris noſtræ progredientibus, debeat & velit congruum honorem impendere. Proinde altiori conſideratione vestræ perpendat discretio, quid in hac cauſa tam vestræ quam noſtræ maiestati & honeſtati conueniat.